

Wie du die aufsteigung eines zeichens
oder eines grads in der Krümmen oder
schelchen spher vinden solt

Das xxxij. Capitel.

vonder Krei-
men Spher.

Das Rete ruck vmb so lang byß des zeyhens an-
fang vß dem schelchen horizon lig in aufgang/
vnd leg die regel eben auf denselben ersten grad
des zeichens/vnd also merck den grad im lyngo
so die regel berürt/Darnach so ruck das Rete mit der regel
vmb so lang byß das end des zeichens auch auff dem schelchē
horizon in orient lige/vnd merck aber im lyngo den grad
vnder der regel/darnach zeel wie vil von einem gemerck in
das ander sey/so findest wie vil grad des equinoctials mit
demselben zeichen aufgeend.

Welliche zeichen krad vnd welliche
krum oder schelch/in der schelchen spher
auff oder nyder geend.

Das xxxij. Capitel.

Diese zeichē/Krebs/Lew/Junckfraw/Wag/Scor-
pio/Schütz/geend gerad oder gleich auff/vnd
vallen schlims nyder/Aber 8 Steinbock/Wass-
serman/Fisch/Wider/Stier vnd die Zwilling/
geend schlym oder schelch auff/vnd geend krad vnder.

h